



2

Zo cuezet vel un diluch ; an oll a spourone :
Seiz devez ha sez nosvez e zeo quezet quer c'hoec
Evel ma else beza'n amzer muia glaoec.

Qerqent ar Rhon hac ar Son, diou rivier vras meurbet,
A deuas da huellat, da veza debordet :
Ar ruyou hac an hentchou chenchet en rivierou ,
A zistruje tro-vardro.... ô pebes maleurion !!!

An diou rivier o veza neuze ta debordet ,
Ne vezas nemet ur mîr spouronus da velet :
Pêvarzec departamant dindan an doureyer ! ! ! ...
O Douc ! pebes maleur ! peguen terrubl mizer !

Na ellet douguen sicour nemet gant ar vagou ,
Rac an dud a voa pignet var lein an dòennou.
Ar c'hri fors, an disesper a voa dre oll eno ;
O clasq donet da dec'hel , e cavet ar maro.

An tocsin spontus a son , hac ar pavillon dû
A velet voa arboret en touriou a bep tu ,
Evit rei d'anavezout peseurt calamite
A vrêve goalen Doue eno e peb contre.

Mes neo qet Lyon hepken e deveus bet souffret :
Pêvarzec departamant zo cazi oll beuzet.
Sôn-ha-Loar, Cot-d'Or, Iser, Ain, Drom, Doubs ,
Guenou'r-Rhon ,
Jura, Gard, Vauclus, Ardech, Var, Herault ha Haut-Son.

En eur villagen hepken ec'h assurer eus bet
Vardro ur pêvar c'hant den gant an douriou beuzet :
Un daou-uguent mil famill, rentet en disesper ,
A zo bremâ reduiset d'an terrupla mizer.

E Montmerl e zeus daou c'hant sez ha tri-uguent ly
Discaret ; e Coromanch ne zeus chommet hini ;
Frans ha Messini a zo ive distrujet oll ;
Pontdevaux gant an dour bras zo cazi êt da goll.

3

E Maunial euz discaret pemzec ty gant an dour,
 E Feillans pêvar-uguent, hep gallout rei sicour;
 Ebars ur villagen all na chom nemet un ty,
 Er Jorc, tri hac anter-cant, ô maleuriou goït gri!

Daou pe dri dy ha trêgont cuezet e Sant-C'ement ;
 E never bourg Sant-Roman eus cuezet tost da gant ;
 E Drac-ar-Panoux ouspen daou-c'hant zo discaret ,
 E Bevil cant-anter-cant a zo ive cuezet.

E Sablon pêvar-uguent. Anfin , na ellor qet
 Niveri an oll distruch a zo bet arruet.
 Qement en em rancontre var hent an doureyer
 A voa diouc'h-tu ranverset dre oll en o antier.

Pempzec-cant den zo eno , hep bara na repu ;
 E clasq n'em savetai e qerzent a bep tu.
 Er güez , var an dòennou e pignent egaret ,
 Q'en a deuet gant bagou evit o c'hemeret.

Ur vreg maleürus spontet , gant an dour qemeret ,
 Gant ar spouron e deveus het e speret collet ;
 Hac eur soudard poursuet dre'r memes elewant ,
 Zo deut evel arrajet neuze en un instant.

Redec ra evel ur foll da glasq caout ur refuch
 Aroc an doureyer bras a güez vel un diluch ;
 Mes inutil eo dezàn , an dorojou serret
 Er priv demeus a repu , ne voar pelec'h monet.

Anfin , anfonç ra un nôr , hac ec'h antren en ty ;
 Ur vreg paour a voa eno daoulinet o pedi :
 Sailla râs gant counnar vrâs , hac e deus-bi lazet ,
 Ha ne voe nemet gant poan e yoe bet qemeret.

An deiz varlerc'h , er prison , e voe oll sebezet ;
 Pa voe lavaret dezàn ar c'hrim en devoa grêt
 E commanças da grial , treantet e galon :
 Nan ! nan ! ze ne deo qet güir ; me zo den afêçon,

4

**Ha possabl ve, va Doue! em bez-me coumetet ,
Me, den honest a viscoas, un hevelep toifet!...
Eu effet, assuret voet vœc en e regimant
Coulz hac en e vro bepret un den sur ha prudant.**

**E mis gouere diveza, e fonç rivier ar Rhon ,
Voe guelet ur men var bini e lennet gant eston :
« Nep en deveus va güelet, en deus scuillet daëlou ,
« Ha nep em güelo uu deiz daëlou c'hoas a scuillo. »**

**Nombrj an oll maleuriou , allas ! na ellot qet ;
Dac'hann eus a bell-amzer ne vo qet o gouezet ;
Mes , ô Doue ! peguen douç eo da galonou christen
Clêvet comz eus a actou meulabl evit peb den !**

**Ar Roue , ar Rouanes , an Duc a Orleans ,
Ar Brinces Adelaïd , c'hoar d'ar Roue a Franç ,
Bepret carguet a druez , ha leun a larguentez ,
O dcus roet daou c'hant mil franc vit sicour an dud qèz.**

**Ar gouarnamant en deus roet pemp million
Ar ministr anter cant mil franc iveau a donesòn ,
Vit sicour ar victimou demeus ar maleuriou :
Graç deo da receo squuden nombr eus a faveuriou.**

**Autrou arc'hescop Lyon , carguet a vadelez ,
A receo ar victimou ebars en c hales ,
Ha gant teneridiguez e servich boued dezo :
Ne refus nep maleurus en em bresant eno.**

**Ur person zo bet guelet gant ur vagad bara
O vont da zistribui gant ur soign ar vrassa ;
Güelet e zeus bet ive mestr scol , ar breur Cephas ,
Oc'h ober actionou demeus a gourach vras.**

**Da ouspen tri-uguent den en deus bet savetet
O buez goal exposet , prest da veza beuzet.
Nos-deiz e zê a bep tu , hac en deveus guelet
Un uguent ty o cueza prest ma yoa sortict.**

5

Ur bêleg qez o vonet gant un enlerramont ,
 Gant an dour a zo stlapet d'an douar en instant.
 Ar c'horf maro a ruille gant an dour furorus ,
 Mes trapet e zeo prim gant ar bêleg courajus.

Autrou Arc'hescop Avignon gant ur vag ya ractal ,
 Ha gantàn er memes bag tri viqel general :
 Ar pêvar bêleg Doue a voa guisqet en caoun ,
 Evit sicour an dud prest da verval gant an naoun.

E Seminer Avignon e zeus bet recevet
 Tremen pêvar-c'hant christen privet demeus a voued.
 An doureyer a save betec an tabernacl :
 Ma n'oet qet eno heuzet, certen eo ur miracl.

Güelet è zeus en eur guær ur person vertuzus ,
 Glac'haret oll e galon var an dud maleürus ,
 O pignat er garidou eus a dour an ilis ,
 E zaoulagad en daëlou , en ur glac'har esqis.

En e zaouarn e talc'he ar Sacramant Santel ,
 Hac er save d'implori an Doue eternel ,
 O rîi ar venediction d'an dud a voa pignet
 Var døennou an tyer , vit beza savetet.

Soudarded e faction a zo bet discaret
 Gant an dour; eürus int bet da veza n'em dalc'bet.
 Redec a rejont d'un ty hac e crimpjont souden
 Vit en em savetai var lein eus an døen.

An officer glac'haret rac aon da zont d'o c'holl ,
 A laqa clasq ar baguer neuze buan dre oll.
 Eur goberer courajus a yas prim d'o c'herc'het ;
 Ha receo ur recompanç en deveus refuset.

Goulennet en deus hepqen eno an den vaillant
 Un dra vit ellout eva ur banne güin-ardant
 Dre ma voa goal fatic bras : Ar general Aymard
 A c'houlen ur recompanç d'an haros mestr gobard.

6

Vardro pemp-cant million e zeo bet estimet
 An dommach o deveus grêt ar maleuriou digüeet.
 Rac-se eta, Christenien, hastomp prest da sicour
 Dre hor generosite victimiou eus an dour.

En oll guériou deus a Franç hac ermèz anezi
 E teu an oll galonou prest d'en em ampressi
 Gant lealdet ar vrassa hac eus a greiz calon
 Da zicour oll victimou an inondation.

An Esqibien o deveus ive scifet ractal
 D'ar bersonet vit ober en ilisou qestal
 E saveur ar victimou o deveus bet collet,
 Hac a zo en ezom bras hac eus a oll privet.

Nan, na vezimp qet houzar da vonez hor pastoret,
 Na da hirvoudou an dud zo maleurus rentet :
 Er moment-mâ dreist peb-tra a galamite vrás,
 Bezomp-ni oll generus vel ma voemp a viscoas.

Hastomp, hastomp, Christenien, da rîi bon c'françou,
 Rac bras eo an ezomou, bras eo ar maleuriou.
 Ni, dreist oll, Breizis Christenien, bezomp oll generus,
 Ha sicouomp hon nessa en Hano Sacré Jesus.

Christenien ha Francien eveldomp int ive;
 Rac se en em ampressomp da rei sicour dese.
 Greomp d'hon nessa ar pez a garfemp e vez demp
 Grêt, ma teufe o maleur da criuout ganemp.

Er baressiou var ar meaz e tlefe peb Christen,
 Pa deufe da asista da Sul d'an oferen,
 Digas un arc'hant benac evit rîi d'ar person,
 Evit sicour victimou an inondation.

Neo qet e vân e vo grêt appell d'ar Vretonet;
 Pa zeo ret ober ar vad e zint hastus bepret.
 Ma vo lavaret e zeus e Breiz-Izel ecleo
 P'eo rét sicour ar maleur, peb Bretoù mad a gleo,

Er vrô guer demeus a Vreiz e vez güelet bemdez
 A berz e habitantet nombr eus a larguentez :
 Calz o deus roet sicour vit an dud maleürus ,
 Calz vo c'hoas hac a royo , balamour da Jesus.

FIN.



A N T E M P E S T
E M O N T R O U L E Z H A V A R D R O ,
 DEIZ GOUËL AR CHANDELOUR 1835.

Var ar memes ton.

O Doue oll-galloëdus ! Mestr an elemantchou ,
 Cetu ni ta c'hoas hirio preiz eus an tourmantchou !
 A hoan e zeus pévar bloas , dre ur voceu eüzus (*),
 E voamp-ni oll reduiset da ur stat horrerus .

Rën a ra var hor brô guer un tempest goai gounnar ,
 Hac a laqa da fremi ar mûr hac an douar....
 Petra e zeo an drous-mâ a trawl ar forestou ,
 A stracl bars er meneziou , a scrich en draonniennou ?

Perac-ta an drous hir-se , ar yuderez hep fin
 Diouz an oll elemantchou , diouz an nos d'ar mintin ?
 An horruplou avel bis , strinjet dreist hor pennou ,
 Dindan un ênv teval dù a lanç e dempestou .

Yudal , trei ha gourdrousi a ra gant trous eüzus
 Hac e teu da venaci dreist oll Breiz maleürus !

(*) Ar C'holera-Morbus e 1832.